

植物名實圖考

植物名實圖考卷之二十三

固始吳其濬著

蒙自陸應穀校刊

蔓草

四喜牡丹

卽追風藤

刺天茄

刀瘡藥

紫地榆

滇白藥子

葉上花

堵喇

土餘瓜

滇土瓜

昆明雞血藤

繡毬藤

扒毒散

崖石榴

金線壺盧

銅錘玉帶草

鐵馬鞭

黃龍藤

白龍藤

地棠草

鞭打繡毬

漢葭魚腥草

大發汗藤

昆明沙參

即全鐵鎖

飛仙藤

鞭繡毬

薑黃草

金雀馬尾參

雞血藤

碗花草

紫參

青羊參

滇紅草薺

架豆參

山苦瓜

青刺尖

染銅皮

紫羅花

過溝藤

馬尿藤

巴豆藤

滇防己

滇淮木通

滇兔絲子

飛龍掌血

小雞藤

竹葉吉祥草

山豆花

山紅豆花

野山葛

象鼻藤

透骨鎖

珠子參

土黨參

山土瓜

芳草

老虎刺

土荆芥

滇南薄荷

滇葉本

野草香

地笋

滇瑞香

滇芎

東紫蘇

白草果

香科科

毒草

小黑牛

野棉花

月下參

小草烏

濕常山

羊肝狼頭草

野煙

雞骨常山

象頭花

金剛纂

紫背天葵

四喜牡丹

一

蔓草卷之二十三



四喜牡丹

卽追風藤

四喜牡丹生雲南山中長莖如蔓附莖生葉三葉同柄復多花
又微似牡丹長五六分春開四瓣白色如梔子瓣齊有直紋
黃蕊綠心楚楚有致惟莖長花少頗形寂寞

刺天茄

二

蔓草卷之二十三



刺天茄

刺天茄滇黔山坡皆有之長條叢蔓細刺甚利葉長有缺微似茄葉然無定形花亦似茄尖瓣黃蕊粉紫淡白新舊相間花罷結圓實大者如彈熟紅久則褪黃自春及冬花實不斷滇本草刺天茄味苦甘性寒治牙疼爲末搽之卽愈療腦漏鼻淵却風止頭痛除風邪



刀瘡藥

刀瘡藥生雲南藤本蔓生赭綠莖葉似何首烏色綠微寬無白脈葉間開花五瓣外白內紫紋如荊葵數十朵簇聚爲穗又名貫筋藤殆能入筋絡之品

紫地榆

四


藥草卷之三十三



紫地榆

紫地榆生雲南山中非地榆類也圓根橫紋赭褐色細蔓繚繞一莖一葉葉如五葉草而枚歧不勻多鋸齒蔓梢開五瓣粉白花微紅本尖末齊綠萼五出長於花瓣托襯瓣隙結角長寸許甚細而彎如牛角考滇本草有赤地榆與本草治症同又有白地榆味苦澆性溫與地榆頗異此又一種按名而求則懸牛首市馬肉不相應者多矣

滇白藥子




滇白藥子

滇白藥子蔓生根如卵多鬚一枝五葉似木通而微小梢端三葉夏開花作穗如白花何首烏結實如珠考白藥有數種而說皆不晰滇本草謂只可醫馬不可吃而又載興陽道諸方其說兩歧殆不可信

葉上花

六

葛草卷之二十三



葉上花

葉上花生雲南蔓生綠莖一葉一鬚葉或五尖或三尖大如眉
豆葉花生葉筋脈上作小尖膏葵上紅下淡花密則葉枯其筋
脈卽成小莖結實如珠色紫黑廣西通志紅果草小者圓葉邊
花莖有軟刺可治牙痛疑卽此類



堵喇

堵喇生大理府蔓生黑根一枝一葉似五葉草大如掌僊醫云
性寒解草烏毒產瀉地者能解百毒



土餘瓜

滇本草土餘瓜味甘無毒生於山中倒挂綠葉開黃花按一年開一朵結一莖梗藤綿軟至十二年根成人形夜有白光屬陽氣採取同雲茯苓膏服之黑髮延年百病不生若單服無益茯苓亦夜有白光陰也須得土餘瓜配合爲妙余遣人採得根如何首烏大小礪礪相屬不絕色黃如土細蔓絲裹拳附下垂一葉一鬚似王瓜葉而光有細紋亦如瓜葉人形白光之說蓋如枸杞人蔘以意測度東坡謂五月五日採艾如人形者艾豈似人萬法皆妄出於意想讀醫書者當知之

滇土瓜



滇土瓜

土瓜生滇黔山中細蔓長葉微圓秋開如鼓子花色淡黃根以爲果食桂馥札璞土瓜形似萊菔之扁者色正白食之脆美案卽爾雅黃菟瓜譌爲土瓜滇本草味甘平一本數枝葉似胡蘆根下結瓜紅白二色紅者治紅白帶下通經解熱白者治婦人陰陽不分子宮虛冷男子精寒生奧有止嘔療饑之妙遵義府志俗呼土蛋歲可助糧按此草有花一開卽斂滇本草以爲無花殆未細審

按黔西山坂中極多北人見者皆以爲蕪菁其花初黃後白

按爾雅菲芴郭注土瓜也孫炎曰菑類也此草形既如菑名同土瓜或是一物但本草所述土瓜卽是王瓜而說經者皆不詳土瓜花實引証極博究無的解北地亦未見有此草不敢遽謂葑菲之菲卽此矣若李時珍謂江西土瓜粉卽王瓜根恐贛南之土瓜亦卽此物唯彼人云味麤惡此根味甘有藥氣不至粹喉或以地氣而異若王瓜根則未聞可粉也

昆明雞血藤

十一

蔓草卷之三十三



昆明雞血藤

昆明雞血藤大致卽朱藤而花如刀豆花嬌紫密簇豔於朱藤
卽紫藤耶褐蔓瘦勁與順寧雞血藤異浸酒亦主和血絡

繡毬藤

蔓草卷之二十三



繡毬藤

繡毬藤生雲南巨蔓逾丈一枝三葉葉似榆而深齒葉際抽葶
開花如絲長寸許糾結成毬色黃綠滇本草亦有此藤而圖說
皆異蓋又一種此藤開四瓣紫花心皆粉蕊老則迸爲白絲微
黃土醫或謂爲木通以爲薰洗之藥主治全別

扒毒散



扒毒散

扒毒散生雲南園中插枝卽活以能治毒瘡故名大致類斑莊
根而無斑點葉亦尖長秋深開小白花如蓼而不作穗簇簇枝
頭尤耐霜寒

崖石榴

古

蔓草卷之三十三



崖石榴

崖石榴盤生石上卽木蓮一類而實大僅如龍眼滇俗亦以爲粉葉澀亦微異




金線壺盧

金線弔壺盧生滇南山中蔓生細莖葉似何首烏而瘦根相連
綴大者如拳小者如雀卵皮黃肉白以煮雞肉味甘而清美於
山蘋滇中秋時粥於市不知者或以爲芋俗云性能滋補故嗜
之

銅鍾玉帶草

上

蔓草卷之二十三



銅錘玉帶草

銅錘玉帶草生雲南坡阜綠蔓拖地葉圓有尖細齒疎紋葉際開小紫白花結長實如蓮子色紫深長柄擎之蒂以肖蔓錘以肖實也

鐵馬鞭



鐵馬鞭

鐵馬鞭生雲南山中粗蔓色黑短枝密葉攢簇無隙葉際結實
紫黑斑爛大如小豆土醫云浸酒能治浮腫

黃龍藤



黃龍藤

黃龍藤生雲南山中藤巨如臂紋裂成鱗細蔓紫色長葉綠潤
開五瓣圓花中含圓珠殷紅一色珠老則青

白龍藤



白龍藤

白龍藤生雲南山中粗藤如樹巨齒森森細枝小葉亦絡石之類土醫云能舒筋骨

地棠草



地棠草

地棠草生雲南山阜細蔓綠圓葉大如錢深齒齟齬三以爲簇
花開葉際土醫云能散小兒風寒




鞭打繡毯

鞭打繡毯生大理府細葉莖如水藻近根處有葉大如指梢端
開淡紫花尖圓如小毯俚醫用之云性溫味微甘治一切齒痛
煎湯含口吐之

漢葑魚腥草

三

蔓草卷之二十三



漢葑魚腥草

漢葑魚腥草生雲南太華山麓紅莖袅娜似立似欹對生橫枝
細長下俛枝頭三枚生葉宛如青蒿葉際小萼細如朱絲花苞
作小簫子開五瓣粉紅花似梅花而小瓣上有紅縷殊媚按宋
圖經有水英又名牛葑魚津而不著其形狀氣味難以臆定

大發汗藤

五

蔓草卷之二十三



大發汗藤

大發汗藤生雲南山中蔓生勁挺莖色淡綠每節結一綠片圓長寸許片端發兩枝橫亘下垂長莖中穿宛如十字附枝生葉葉如苦瓜葉而少花又有鋸齒土人以其藤發汗故名

昆明沙參

三


蔓草卷之二十三



昆明沙參 卽金鐵鎖

金鐵鎖生昆明山中柔蔓拖地對葉如指厚脆僅露直紋一縷
夏開小淡紅花五瓣極細獨根橫紋頗似沙參壯大或如蘿蔔
亦有數根攢生者滇本草味辛韌性大溫有小毒吃之令人多
吐專治面寒胃痛氣心氣疼攻瘡癰排膿爲末五分酒服夷寨
谷汲水寒多毒辛溫之藥或有所宜與南安以仙茅爲茶皆因
地而用不可以例他方扁鵲之爲醫也以秦趙爲別尹趙王韓
之治京兆也寬嚴異轍地與時殊治無膠理麗江府志土人參
性燥在滇而燥移之北不幾烏頭天雄之烈燄耶

飛仙藤



飛仙藤

飛仙藤生雲南石巖上柔蔓細枝長葉如柳而瘦勁下垂叢雜蒙茸遠視不見柯條移植輒不得生滇本草味甘無毒綠葉白花採服益壽延年若花更妙此草鹿多食之鹿交多輒斃牝鹿銜以食之卽活又名還陽草按此草亦活鹿草之類劉攽殪鹿得草而起用以爲藥僅同豨薟牛之性猶人之性與鼠食巴豆羊食斷腸草移之於人烏乎



鞭繡毬

鞭繡毬生昆明山中蔓生細根黑鬚綠莖對葉葉似薯蕷而末
圓疎紋圓齒夏開五瓣黃花頗似迎春花

蔓黃草

毛

蔓草卷之二十三



薑黃草

薑黃草生滇南蔓葉俱如牽牛根如薑而黃極硬以形得名



金雀馬尾參

金雀馬尾參生雲南山中綠蔓柔長根赭白色一叢數百條葉
際開花作壺盧形長四五分細腰色紫上拆五瓣面尖復合茸
毛外森彎翹別致



雞血藤

雞血藤順寧府志枝幹年久者周圍四五寸小者亦二三寸葉類桂葉而大纏附樹間伐其枝津液滴出入水煮之色微紅佐以紅花當歸糯米熬膏爲血分之聖藥滇南惟順寧有之產阿度吾里者尤佳今省會亦有販者服之亦有效人或取其藤以爲杖屈孥古勁色淡紅其舊時赤藤杖之類乎



碗花草

碗花草生雲南蔓生如旋花葉似鬼目草葉無毛花出苞中色
白五瓣作簞子形無心臨安土醫云治九子痒以根泡酒敷自
消昆明謂之鐵貫藤

紫參

三

蔓草卷之二十三



紫參

真紫參卽茜草之小者四葉攢生而無柄以此稍異

青洋參

三

蔓草卷之二十三



青羊參

青羊參生雲南山中似何首烏長根開五瓣小白花成塊摘之
有白汁



滇紅草薺

滇紅草薺長蔓葉光潤綠厚有直勒道花紫紅如粟米作毬

架豆參

三

蔓草卷之三十三



架豆參

架豆參生雲南短蔓葉如藿二四對生如架十字根大如薯

山苦瓜

三


蔓草卷之三十三



山苦瓜

山苦瓜生雲南蔓長拖地莖葉俱澀或二葉三葉四葉爲一枝
長葉多鬚

青刺尖



青刺尖

滇本草青刺尖味苦性寒主攻一切癰疽毒瘡有膿者出頭無膿者立消散結核按此草長莖如蔓莖刺俱綠春結實如蓮子生青熟紫

染銅皮

三七

蔓草卷之三十三



木牛各年目
三
染銅皮

染銅皮生雲南蔓生無枝三葉攢生一處有白縷結實如粟

紫羅花

三

蔓草卷之三十三



紫羅花

紫羅花生滇南蔓生葉潤如豆葉子如枸杞作毬俗醫謂之蛇

藤

植物名實圖考

過溝藤

三

蔓草卷之三十三



過溝藤

過溝藤生雲南長蔓一枝三葉結實如栗味臭

馬尿藤

四

蔓草卷之二十三



馬尿藤

馬尿藤生雲南一枝三葉光滑如竹葉開花作角紅紫色如小
角花

巴豆藤

蔓草卷之二十三



巴豆藤

巴豆藤生雲南巨藤類木新蔓繚繞一枝三葉名以巴豆蓋性相近




滇防已

滇防已綠蔓細纒一葉五歧黑根虺硬切之作車輻紋

滇雅木通

蔓草卷之二十三



滇淮木通

滇淮木通毛藤如葛一枝三葉或五葉粗澀縐紋亦有毛莖中空通氣




滇兔絲子

滇兔絲細莖極柔對葉如落花生葉微圓莖端開紫筍子花
朵並頭旋結細子

飛龍掌血

蔓草卷之三十三



飛龍掌血

飛龍掌血生滇南粗蔓巨刺森如鱗甲新蔓密刺葉如橘葉結
圓實如枸橀微小


小雞藤

異

蔓草卷之二十三



小雞藤



竹葉吉祥草


竹葉吉祥草生雲南山中綠蔓竹葉垂條開花如吉祥草六瓣紅白相間長根色微紅土醫謂之竹葉紅參主補益

山豆花



山豆花

山豆花生雲南蔓生大葉長穗花似紫藤花



山紅豆花



山紅豆花

山紅豆花生雲南山中葉蔓如紫藤而細小花如豆花色紅

野山葛

五

蔓草卷之三十三



野山葛

野山葛山中有之一枝三葉如大豆葉開紫花作角如葛花而小

植物名實圖考

象鼻藤


五

蔓草卷之三十三



象鼻藤

象鼻藤生雲南對葉如槐亦夜合結角如椿角一一下垂



透骨鑽

莫草卷之三十三



透骨鑽



植物名實圖考

珠于參

三

真草卷之三十三

珠于參

直方之圖

土藥

五

蔓草卷之二十三



土黨參

土黨參生雲南根如參色紫花蔓生葉莖有白汁花似奶樹花而白蓋一類



山土瓜

山土瓜蔓生一枝三葉花紫角細如豆根味如雞腿先根土人食之



老虎刺

老虎刺點中植以爲藩細葉夜合柔枝蓋偃秋時結實若豆而
扁下垂片角薄於蟬翼淡紅明透光映叢薄綠石蓋瓦樊圍護
門每當斜陽灑灑輕颺漾漾便如朱蜓欲飛丹鱗出泳田家雜
興描畫爲難矣

土荊芥

五七

芳草卷之三十三



土荊芥

土荊芥生昆明山中綠莖有稜葉似香薷葉間開粉紅花花罷
結筍子三尖微紅似紫蘇蒴子而稀疏土人以代假蘇



滇南薄荷

滇南薄荷與中州無異而莖方亦硬葉厚短氣味微淡滇本草
謂作菜食返白髮爲黑與他省不同又治癰疽疥癬及漆瘡有
神效云



滇藁本

滇藁本葉極細碎比野胡蘿蔔葉更細而密餘同救荒本草滇
本草治症無異

野草香

本

芳草卷之二十三




野草香

野草香雲南徧地有之牆瓦上亦自生莖葉微類荇芥頗有香氣秋作穗如狗尾草而無毛開淡紅白花滇俗中元盂蘭必以爲供蓋藹車胡繩之類而失其名



地笋

芳草卷之二十三



地筭

地筭生雲南山阜根有橫紋如蠶傍多細鬚綠莖紅節長葉深齒

滇瑞香


空

芳草卷之三十三



滇瑞香

瑞香本草綱目始著錄蓋卽園中所植所謂野薔花紫風流者
不聞入藥滇南山中有一種白花者的的枝頭殊無態度而葉
極光潤南越筆記白瑞香多生乳源山中冬月盛開如雪名雪
花刈以爲薪雜山蘭芍藥之屬燒之此屋皆香其種以攀枝爲
上有紫色者香尤烈雜衆花中衆花往往無香皆爲所奪一名
奪香花乾者可以稀痘當亦用白花者耳



滇芎

滇芎野生全如芹土人亦呼爲山芹根長大粗糙頗香滇本草
味辛性溫發散癰疽治溼熱止頭痛食之發病

東紫蘇

六

芳草卷之二十三




東紫蘇

東紫蘇生昆明山野叢生細葉深齒穗如夏枯草蓋石香葉之類

白草果


三

芳草卷之三十三



白草果

白草果與草果同而花白瓣肥中唯一縷微黃土醫以爲此真草果



香科科

香科科生雲南細莖高五六寸對葉如薄荷葉亦微有香梢開
白花如豆花層層開放




小黑牛

小黑牛生大理府莖葉俱同草烏頭根黑澁微異俚醫云赤苦
寒有大毒治跌打損傷擦敷用殆卽烏頭一類

野棉花

三

毒草卷之三十三



野棉花

野棉花滇本草味苦性寒有毒下氣殺蟲小兒寸白蟲蛇蟲犯胃用良此草初生一莖一葉葉大如掌多尖叉面深綠背白如積粉有毛莖亦白毛茸茸夏抽葶頗似罌粟開五圓瓣白花綠心黃蕊楚楚獨立花罷蕊擎如毬老則飛絮隨風彌漫故有棉之名



月下參

月下參生雲南山中細莖柔綠葉花似蓮萼萼黃蓋又似盆
母草而小發細萼擎萼莢宛如飛鳥昂首翹尾登枝欲鳴歸五
瓣藍花上三勻排下二尖並內又有五茄紫瓣藏於花腹上一
下四微吐黃蕊一柄翻翹色亦藍紫蓋卽菊譜雙鸞菊鳥頭一
類滇人以根圓白多細鬚爲月下參滇本草味苦平性溫熱治
九種胃寒氣痛健脾消食治噎寬中痞滿肝積左右肋痛吐酸
其性亦與烏頭相近

小草烏

年

壽草卷之三十三




小草烏

小草烏生雲南山中與月下參同無大根有毒外科用之



滇常山

滇常山生雲南府山中叢生高三四尺葉莖俱如木本葉厚韌
面深綠背淡青茸茸如毛夏秋間莖端開花三萼並擢一毳數
十朵花如杯而有五尖瓣翻卷內向中擎圓珠生青熟碧蓋花
實並綴也花厚勁色紫紅微似單瓣紅山茶花但小如大拇指
不易落宋圖經海州常山八月花紅白色子碧色似山楝子而
小微相彷彿



羊肝狼頭草

羊肝狼頭草生雲南太華山細根獨莖如拇指粗淡黃色有筋每節四枝節如牛膝而大有深窩枝生膝上四叔平六三六穿心而出就枝生葉如蒿而細平勻如齒花生窩中左左各一如豆花黃色上蠹草中具奇詭者本草狼毒以性如狼故名狼中毒草亦多與以狼名觀其名與形知非佳草矣

野煙

三

毒草卷之二十三



野煙

野煙卽菸處處皆種爲業滇南多野生者園圃中亦自生葉黏人衣辛氣射鼻滇本草味辛麻性溫有大毒治疔瘡癰疽發背已見死症煎服或酒合爲丸名青龍丸又名氣死名醫草服之令人煩不知人事發暈走動一二時辰後出汗發背未出頭者卽出頭此藥之惡烈也昔時謂吸多煙者或吐黃水而死亡皆野生錄此以志其原




雞骨常山

雞骨常山生昆明山阜弱莖如蔓高二三尺長葉似桃葉光韞
縵紋開五尖瓣粉紅花灼灼簇聚自春徂秋相代不絕結實作
角翹聚梢頭圃中亦植以爲玩



象頭花

象頭花生雲南紫根長鬚根傍生枝一枝三葉如半夏而大厚而澀一枝一花花似南星其包下垂長尖幾二寸餘宛如屈腕又似象垂頭伸鼻其色紫黑白筋凸起條縷明勻極似夷錦南星蒟蒻花狀已奇此殆其族而尤詭異土人以藥苗之主治同子南星卽由跋之別種亦有綠花者結實亦如南星而色殷紅



金剛纂

金剛纂雲南通志花黃而細土人植以爲籬又一種形類雞冠
談叢滇中有草名金剛纂其幹如珊瑚多刺色深碧小民多樹
之門屏間此草性甚毒犯之或至殺人余問滇人植此何爲曰
以辟邪耳唐綿夢餘錄金剛纂狀如椶櫚枝幹屈曲無葉剉以
漬水暴牛羊渴甚而飲之食其肉必死滇本草金剛杵味苦性
寒有毒色青質脆如仙人掌而似杵形故名治一切丹毒腹瘰
水氣血腫之症燒灰爲末用冷水下一服卽消不可多服若生
用性烈於大黃芒硝欲止其毒以手浸冷水中卽解夷人呼爲

冷水金丹漢記金剛纂碧榦而蝟刺孔雀食之其漿殺人時安
府志狀如刺桐最毒土人種作籬人不敢觸 按此草強直如
木有花有葉而無枝條葉厚綠無紋形如勺花生榦上五瓣色
紫扁闊內翕中露圓心黃綠點點遙望如苔蘚嶺南附海舶致
京師植以爲玩不知其毒呼曰霸王鞭

紫背天葵

美

本草卷之二十三



紫背天葵

紫背天葵滇本草味辛有毒形似蒲公英綠葉紫背爲末敷大
惡瘡神效人悞服汗出不止速飲茶豆甘草卽解 按此草昆
明寺院亦間植之橫根叢莖長葉深齒正似鳳仙花葉面綠背
紫與初生蒲公英微肖耳夏開黃花細如金線與土三七花同
蓋一類也